

ODLUKA O ODREĐIVANJU DRUGIH DJELATNOSTI KOJE NE PODLIJEŽU OBAVEZI EVIDENTIRANJA PROMETA PUTEM FISKALNIH UREĐAJA *

("Službene novine Federacije BiH", br. 41/11, 25/12 i 90/25)

I.

Ovom odlukom određuju se druge djelatnosti kod čijeg obavljanja, polazeći od tehničkih i funkcionalnih karakteristika fiskalnog sistema i specifičnosti obavljanja tih djelatnosti, ne postoji obaveza evidentiranja prometa preko fiskalnih uređaja propisana u članu 4. stav 1. Zakona o fiskalnim sistemima ("Službene novine Federacije BiH", broj 81/09).

II.

U smislu tačke I. ove odluke, pod drugim djelatnostima kod čijeg obavljanja ne postoji obaveza evidentiranja prometa preko fiskalnih uređaja, propisuju se sljedeće djelatnosti:

- a) djelatnosti javnih zdravstvenih ustanova,
- b) djelatnost organa uprave i upravnih organizacija,
- c) djelatnosti pravnih lica koja vrše profesionalnu rehabilitaciju osoba sa invaliditetom i registrovanu djelatnost obavljaju upošljavanjem preko 50% lica sa invaliditetom, čiji stepen invalidnosti iznosi najmanje 50%,
- d) djelatnosti Crvenog krsta/križa Federacije Bosne i Hercegovine propisane Zakonom o crvenom krstu/križu ("Službene novine Federacije BiH", broj 28/06) i druge humanitarne djelatnosti humanitarnih organizacija, udruženja i fondacija koja nisu registrovana za obavljanje privredne djelatnosti,
- e) taksi djelatnost koju fizička lica obavljaju sa samo jednim (vlastitim) vozilom,
- f) djelatnosti obrtnika i srodnih djelatnosti koji paušalno plaćaju porez na dohodak **ili obrta u dopunskom zanimanju** (*dopuna 90/25*),
- g) djelatnosti Komisije za vrijednosne papire, Registra vrijednosnih papira i društava za upravljanje fondovima, prilikom obavljanja poslova finansijskog posredovanja,
- h) prodaja na tržnicama na malo (pijacama), koja se obavlja izvan trgovačkih radnji koje su rješenjem nadležnog organa registrovane za djelatnost trgovine,
- i) prodaja na štandovima i stolovima izvan tržnica na malo, koja se obavlja na mjestima za koje je nadležni organ izdao odobrenje,
- j) **advokatska djelatnost** (*dopuna 25/12*).

III.

Ova Odluka stupa na snagu narednog dana od dana objavljivanja u "Službenim novinama Federacije BiH".

* Odluka je objavljena u "Službenim novinama Federacije BiH", broj 41/11 od 6. jula 2011. godine, a stupila je na snagu 7. jula 2011. godine. Dopune Odluke su objavljene u "Službenim novinama Federacije BiH", broj 25/12 od 21. marta 2012. godine, stupile su na snagu 22. marta 2012. godine i 90/25 od 21. novembra 2025. godine, a stupile su na snagu 22. novembra 2025. godine.